

中國地方志集成

四川府縣志輯（新編）⑮

光緒新修潼川府志
（三）

巴蜀書社·鳳凰出版社·上海書店

第十五册

光緒新修潼川府志（二）

.....

緒光

新修潼川府志

(二)

清·阿麟 修 王龍勳等 纂

光緒二十三年刻本 三十卷

新修潼川府志卷九

輿地志九

金石

三臺縣

唐護聖寺鐘銘碑目考唐大順二年節度使顧彥暉鑄

有銘

彌勒院記李商隱書甘泉亭碑李潮八分書碑目考俱

在城北護聖寺水陸淨土巖北

慧義精舍四證堂碑道興觀碑道士胡君新井碣銘碑

目考並見李義山集四證堂道興觀二碑全文載寺觀

潼川府志卷九金石

甘泉寺誓犀碑碑目考李邕書

馬元直開元中誥碑目考圖經云元直在唐為滁州刺

史家藏開元中誥

梓州官寮磨崖贊碑目考唐武后時司法參軍楊炯撰

在北崖僅存十六七字磨滅不可讀

蓮花漏記碑目考天聖中燕公肅守梓州日置自為之

記

慧義寺彌勒像碑李潮書困學紀聞杜甫李潮八分小

篆歌潮也奄有二子成三人金石錄潮書唯慧義寺

彌勒像碑與彭元曜志其筆法亦不絕工非韓蔡比

也

千祿字書在文廟尊經閣下唐顏元孫撰顏真卿書金

石萃編碑下截斷缺凡兩面一高七尺八寸五分一

高六尺九寸七分俱廣四尺七寸五分書分五層三

十三行行九字正書額題顏氏千祿字書六字篆書

原序史籀之興備存往制筆削所誤抑有前聞豈唯

豕上加三蓋亦馬中關五迫斯以降舛謬實繁積習

生常為弊滋甚元孫伯祖故秘書監貞觀中刊正經

籍因錄字體數紙以示讐校楷書當代共傳號為顏

氏字樣懷鉛是賴汗簡攸資時訛頗遷歲久還變後

潼川府志卷九金石

有羣書新定字樣是學士杜延業續修雖稍增加然

無條貫或應出而靡載或詭眾而難依且字書源流

起於上古自改篆行隸漸失本真若摠據說文便下

筆多礙當去泰去甚使輕重合宜不揆庸虛久思編

葺頃因閒暇方契宿心遂參校是非較量同異其有

義理全僻因弗畢該點畫小虧亦無所隱勒成一卷

名曰千祿字書以平上去入四聲為次

言俗通正三體

謂息口氏回白字有相亂因而附焉謂形充究禱

召之類是也所謂俗者例皆淺近唯籍帳文案卷契藥方非涉雅

言用亦無爽儻能改革善不可加所謂通者相承久遠可以施表奏牋啟尺牘判狀固免詆訶

若須作文言及選曹

銓試兼擇正體用之尤佳所謂正者並有憑據可以施著述文章

對策碑碣將爲允當

進士考試理宜必遵正體明經對貴合經注本文碑書多作

八分住詢舊則有此區別其故何哉夫筮仕觀光惟人所

急循名責實有國恆規既考文辭兼詳翰墨昇沈是

繫安可忽諸用捨之間尤須折衷目以干祿義在茲

乎綆短汲深誠未達於涯涘歧多路惑庶有歸於適

從如日不然請俟來哲

文繁未錄

原跋柳公權對穆宗

□□日心正則筆正□□雖公權時以筆□□□

潼川府志

卷九 金石

三

書法理固如是□□魯公筆蹟乃知公□□言不

妄魯公忠正□□功名事業列於國□□全德偉行

英風義□□映千古學文之外□□隸書大小二體

筆□□勁如服介冑如冠□□凜凜乎如誦虛杞□

□希烈有不可犯之勢□其心畫所寓誠可畏而仰

之往由左宦臨收吳興暇隙書千祿字樣鐫刻於石

傳示後生然石刻在刺史宅東廳院傳之維艱故世

罕得善本而蜀士大夫所見惟板刻尤鮮得其真府

尹龍閣宇文公比刺湖州得魯公所書與楊漢公所

摹二本特爲精詳於是俾以楊蜀二本參校若顏書

之刳缺者以二本補焉不可推究者闕之令通顏書

之士摹勒刻石於類使學者矜式且欲所傳之廣王

戊八月既望成都句詠記吳省欽跋魯公書石遍天

下其存蜀者僅武連逍遙樓三字至南部縣離堆摩

崖記已泯劍州中興碑則紹興初攝州事吳玠摹刻

而費少南跋之四川新舊志不復舉其名矣干祿碑

見潼川志謂公自書在州學予惟歐陽公以謂干祿

書真本開成中石已訛缺世所傳者乃楊漢公摹本

潼安得有此亟訪之尊經閣下碑石厚尺餘穴兩旁

如貫緯之制其正面則表裏刻之碑下斷一尺餘宋

潼川府志

卷九 金石

四

入跋已不完跋首言干祿碑在湖州刺史宅東廳蜀

士大夫所見惟板刻鮮得其真府尹龍閣宇文公比

刺湖州得公所書

以下州職官志

宇文氏三人昌齡

雙流進士時中成都進士岷成都人修治學校四川

科第志無時中名惟費著氏族譜言宇文氏凡六院

其自廣都院者閔中粹中虛中迭登第時中賜進士

第後以直龍圖閣知潼川卽是跋所云府尹龍閣者

矣虛中以建炎初使金被留遇害與時中爲兄弟行

碑之立當在建炎紹興之際容訪足本再考之

愷悌詩石刻存文廟干祿碑側款題前進士孫宗閔撰

序詩雖殘缺可成誦者尚多錄存之良二千石之任古無輕授化被於物則詩人流其詠道洽於民則太史傳其事故金冊綠字煥清範於日星景鐘洪銘麗馥烈於世永於鑠哉若非風望峻整韻宇夷曠集戟之祥允契瑞廷之文克協敦固民宗敷興邦教則何以爲國共理作藩於君剖竹析圭邁天子之盛會升車抗隼爲儒者之榮觀哉國家以左蜀之重厥民惟艱靈開玉壘峻邈而重複淵商綺里交會而豐蔚兆自中古實稱巨防蓋王室之藩屏神壤之襟帶銀鑠發彩駕肩而作貢白狼成章敷衽而從化乃眷倡牧

潼川府志

卷九 金石

五

必資鉅賢惟庚申歲王正月帝命尚書刑曹郎隴西李公以傑操宏聳俊望彌蔚輟自分陝移鎮是邦故星鳥以進秩仍金綬而加寵錫萬鏹以辨裝巾□輻而戒路皆思召伯愛樹之謠方治復借寇君遮道之情弗允惟公儲精象緯炳靈河漢含淵英而命世毓醅德而□跡秉心允塞誕節彌亮挺神鋒而洒利聳天骨以疎秀高蹈冠乎品流清暉映於當世號廟連之重器稱天球之秘寶□丹塗之印世顯而錫羨藏秘府之書德格而流慶鬱爲時棟懷茲邦良爰自撫翼螭階升名仙錄陟降天日之表徊翔雲龍之庭動

造九言日宣三德舒文華國盡購東夷之金濯質清流式契南臺之詠振纓近署揚聲紫微或掌財都會漕運邦計胥邁嘉運便蕃優渥治皆稱職綱匪失舉允副僉俞之選克隆眷注之盛冠冕必澄縉紳相照啟藩斯境相映前後不待期月政敷時聽夙夜匪懈慮細民之失職□□必舉軫一物之有傷持直繩以糾奸按柔轡而惠□□載路淑氣蒸野囹圄寂寥稼穡豐融閉閣思過蹊田闕時雨務蘇苛而需潤季野陽秋惟振槁而熙照坦□□之懷開招納之量肅封圻於千里謐雲屋之萬家老安□□□謨里詠雖

潼川府志

卷九 金石

六

使趙張並駕卻杜方軌比之同時彼有慙闕彌著巖赫之瞻斯集議者謂闕靡遠膺異數之可茫仰方升之偉望俟山甫之闕丹青神化扇醅風於大塊鼓庶彙於洪鈞輔闕論禹舜之景業繼皋稷之大典茫茫九土闕矣宗閔叨服儒學久樂郡化飽聞德音思闕頌誠不假一豎儒謏聞濫冒縱臆抉闕又念葑菲可採不遺於下體汙潦備薦式闕詩云愷悌君子民之父母闕撰成詩二十首摠其題曰愷悌其闕敢餘以誣辭直以據其行事闕詠或備採詩者爾謹序闕物有方口含天憲手提國綱實邦之翰爲民之防宵沉

猗猗晨無飲羊千古是仰昭其耿光澄俗二章章十
句心如水兮志尚清潔也我公之心含淵濬潔挹之
彌冲酌而莫竭靈府汪洋璇源瑩徹若鑑之明如井
之冽利物至柔漱芳瀾涵行業滋茂言泉洞開浸仁
沐義津賢育材潤無不灑清而不回叔度之頃公何
遠哉心如水兮二章一章十句一章八句惠風民被
賜也習習惠風施於千里吹淡民心洽茲仁理動必
響臻應如草靡泠泠四馳飄飄中起利物厚生條綱
振紀鼓音填篪發馨蘭芷獵野班春蘇萌潤圻騰茂
英英揚光赫赫福介羣黎歡飛廣陌敢繼周詩式歌

潼川府志

卷九 金石

七

召伯惠風二章一章十二句一章八句慎獨閑邪存
其誠也恐懼不覩誠慎不聞我公慎獨於斯洞分微
既莫顯隱何可云溫樹奚問諫草自焚克謹天戒允
符帝文仲舒格言許緒深旨靈懷發中神資素履名
契洵猷踐揚前軌藹藹令名爛光青史慎獨二章一
章十句一章八句良哉協帝資也巨望彌聳其德不
回乃眷西顧賚公賢才帝曰欽往時稱良哉乃邦之
彥實民之懷飛榮驪闕進秩蘭臺銅虎分符朱藩戒
路棠郊去思潼江來暮恂恂德心汪汪軌度寬不容
紆直不抵忤煌煌發輝綽綽垂裕翊彼天聰克昌景

祚良哉二章一章十句一章十二句宜兮洽民心也
啟藩斯境民之宜兮令必響赴動而悅隨濬明宣哲
淑慎經彝善化郁郁羣心披披我有憚獨公則安之
我有子弟公則教之匪民之宜實天之宜匪德之基
實邦之基帝典昭灼王度清夷說命將舉慰茲羣黎
宜兮一章二十句里無歎兮洽頌聲也公之來矣里
無歎兮清猷濬發輿頌爭馳仁聲旁達廉風□□□
白攜手其樂如之流轉保業其心歸之□□不□響耕
無隨時連衽架肩途歌巷詠邵杜宣慈_闕庭永膺休
命里無歎兮二章一章十二句一章□句翼翼謹心

潼川府志

卷九 金石

八

蒞事也克己溫溫秉心翼翼靜以保_闕融沉誦淵塞
言必再思動不過則_闕陽輝光日新兢莊率籲清純
操持_闕誦坐永昭臣鄰翼翼謹心二章一章十二句
千里蒸蒸□□□也_闕教里閭勃興遠是効敦□崇
德_闕心因慕之慎□□紀敦淡黎庶咸歸_闕公之_闕
千里蒸蒸二章一章十句慎口無枉也_闕
泮橋記碑在尊經閣下隸書全文見學校志碑前面刻
宣聖像
劍南東川鄉賢堂記宋朝散大夫知梓州軍州陳鵬謨
碑存文廟干祿碑側文缺佚不全殘句可誦者附存

多知名之士然其爲人與其功業及其文章經術行義其接於耳目而近者無有爲可怪也運使大夫張公留意講求於此爲久矣嘗於州學治斯堂旣成命宣德郎權教授范□承議郎僉書節度判官廳所未及載者至於國朝幾千年之間凡六十二人雖其所爲流品不同然皆以類同出於一時□相望於千古凡是中之人其□茲堂□者□非其所自出若是者益勸若是者知懼張公於吾州之人其澤可謂深矣鵬前公來使後公來守雖隸所部實爲交承因得備本末而爲之記又得以

潼川府志

卷九 金石

九

述梓人之詠歌而爲之詞之人已去兮逃聽風聲我懷孔切兮爲人兮加丹青兒唯肖兮如生或桐挺而孤高或鳬將而鶴迎使人咨嗟歎息而追惟兮內懷勸懼兮□從使令亦瞻像兮昭昭而起福兮冥冥

潼川府儒學記碑在干祿碑側字大三寸許體似魯公惜碑石僅存三片文亦不全然成章可誦之句甚多有嘉定八年云云是宋碑無疑矣殘文附錄學不可一日而不^缺學而不葺久必壞士^缺爲力也艱積荒而^缺眉山任炎佐之爲教官也一口□必易之^缺必

潼川府志

卷九 金石

十

新之一瓦漏必補之一不備必使之備^缺夫子之牆而入其門升夫子之堂而造其室^缺翼翼慢易之心無自而□也豈獨宮庭壇宇則^缺士之身修也亦如是嘉定八年九月太守釋菜于先聖先師退則公升堂揖諸生教授與諸生羣進曰學旣賴郡侯□□□盍記之後十有五日在泮飲酒因舉魯僖公能修泮宮之頌相與言曰周公遠矣魯之君臣□□夸而魯之禮樂猶可髣髴見而況古者聽訟於是理兵於是則夫學也者匪惟教也而政出焉雖然立政必自修身始士不可一日不修猶學不可一日不葺學之不

^缺健者能葺之雖日月就□□士之不修掌教化者之恥也而非日月之所能就何以言之大觀四年學始有記潼以先生楊公之作公紀學之落成而及夫昔之教者必以漸熙甯中佩觿入學太常職教事責之以學不躐等必五十而後可以讀易聞之惛然終身佩之今公之記大書深刻於東廡學者之所宜誦而思也近世之學或傳習口耳或高談性命傳習口耳則無覺高談性命則^缺宋重修潼川學碑在文廟崇聖祠外東牆下款署迪功郎充府學教授杜□撰并書上截磨滅下截尚明朗

可識有慶厯中徙置於此太守皇甫公實始基云云其爲宋碑無疑字體似蘇子瞻惜無人搨而寶之

劉甲重修文廟碑在文廟戟門內東廊文雖漫漶其中如嘉祐迄嘉泰凡百五十餘年已七經增修不見增修日月豈皇甫所建其存惟此耶等句尚琅琅可誦款署嘉定六年府學教授任炎佐記充府學糾察文彪書知鄆縣事宋孝弼篆蓋碑後刻馬載甫重修梓州廟學記文

元宣聖誕辰上壽疏碑在崇聖祠西廊此碑陰題額也正面文已磨滅惟元至正三年字可辨款署教授王

潼川府志

卷九 金石

土

玉麟頓首謹書又有鄆縣達魯花赤等字的是元碑吳省欽尊經閣記所謂元人生日廟祀碣卽此

靈護廟記碑在雷神廟卽故靈護廟地也碑額篆劍南東川靈護廟記八字文已漶滅殘句可誦者附存

有吞噬并包之心 況土地者吾所受於君 有儒者風 以自全邪 嗟乎太保司空之志 東川之

人思之爲之立廟 祀典不載將何以旌偉績 不敢犯也奉祀以迄于今 太保被命 詎可信乎

王建率兵二十萬 生死共之

鑑樓記碑在靈護廟記碑之西全文見古蹟

蘇易簡潼川夜渡詩碑舊存洞門寺今已斷裂移置文昌宮同治間邑人陳謙摹刻於武廟

雙筍石舊在縣南門內土地廟各高三尺餘俱有銘其一隸書頗遒勁王克真製銘并書左有大隸書致一居士四字右有篆字三行惟七八字未損餘俱不可辨其一行書四行惟存書於紹興壬申季冬八字餘皆漫漶今移置武廟

王蜀時石幢舊在琴泉寺光緒壬午提學朱道然移置成都學院

舊報恩寺磨崖題名在橫冰泉池之上或篆或行或楷

潼川府志

卷九 金石

土

非一人一時書有乾道清熙年號又有陳堯咨名蓋宋人紀游石刻也

舊兜率寺石壁多宋人紀遊題名或篆或隸文多殘闕官閣磨崖詩在縣北香積寺之右刻杜工部官閣詩

熙甯元年磨崖題名在香積山正書大五寸許共十一行行六字其文云熙甯元年秋九月重陽日邑宰殿

省丞許君申之與仙尉口君環鄉貢進士牟邴同登高遊寶積寺觀杜子美詩訪官閣故址因上松徑口

口泉之口邴口書崑石以記

元豐乙未題名在熙甯題名後正書文從左向右讀共

四行文曰後十二年姪安世按部過此觀叔父刻石
曰題於側安行同至小字書元豐己未十月二日仍
題於左

淳熙乙巳題名在香積山石壁文曰淳熙乙巳重陽宰
郭嗣口尉陳德用簿張君厚邑口口子安白口之文
書之口口卿表弟范叔賢講熙甯登高故事於官閣
是日也天宇新霽山川開明口口口眺日至俱勝予
喜造物口人復古之意相與飲酒樂甚倚丹楓望翠
壁歌少陵之章客曰此邑此地以杜詩重繼自今把
菊花枝醉茱萸酒百年相傳爲勝賞則又以大夫重
蓋不可不識也於是乎書

潼川府志 卷九 金石

官閣橫額在香積山大徑二尺端整嚴重前書淳熙乙

巳上元日末書邑宰太城郭公緒書按公緒與上郭嗣口或其字歟又金石萃編嘉定庚午石

門題名有郭公緒則相距二十六年矣

紹熙癸丑題名在香積山官閣行書字體疏秀文云邑

宰資中賈宗亮同鄉人口仲虎魏祖終來遊下瞰澄

江環繞縣治稠木蔥蒨煙火萬家觀覽殊勝置酒閣

上歌少陵之詩興盡而反不知日之既夕也紹熙癸

丑南至日按資州志有淳熙丁未進士裴仲虎距紹熙癸丑只七年則此石所謂仲虎者當姓

裴

嘉泰壬戌磨崖詩在官閣側行書先詩後跋詩云口攀

石口到層巔眼底煙林更豁然口口至今名勝境杜

陵從昔友詩仙口口滅口雲千里飛鷺往來蘆一川

口口比口口景象筆端何以寫天全跋云丞丁夢得

簿鄧觀尉任大衍會飲於官閣酒半趙載自梓林適

至因歎會合之非偶然載輒題小詩酌酒以酌少陵

壬戌季秋晦日按資州志金石類有慶元庚申六月梓潼趙載題東巖詩斷碑則此手戊

爲後嘉泰二年無疑

香積寺石刻正書共十七行行十二字其文云縣江之

南有山橫翠連峯疊嶺巖蔚峭峙下瞰深流大類閬

潼川府志 卷九 金石

中之錦屏中有六寺觀曰布金曰祇隱曰玉虛曰東

寺曰南寺曰香積縣宰甯川馮公子春下車閱季吏

畏民愛庭雀可羅一日乘暇率邑丞瀘州呂楚老簿

蒼山程子廉尉資中黃良卿兼監王口趙冠玉偶遊

口口自布金飯罷同陞羅漢殿望口城過宿雲洞憩

萬竹亭口烏龍井步松徑造禪房啜茶觀魚于方口

小池邇迤口春江口口山誦少陵口口口痛飲

於官閣乘月而歸翌日良卿命書使鐫石以紀勝遊

楚老爲之嘉定七年甲戌孟夏初八日也

涪城縣社壇碑今在涪城垣石佛寺外光緒初鄉人得

自沙水中碑高八尺廣三尺字半模糊碑正中雙行書涪城縣修建社壇記八字大四寸許高出記上前半僅存公惠愛吾民及爲父母可以無媿矣句後半云公諱綬字德裳系出於帝子博學有文詳達吏事治涪之政純用其家譜涪人安之闕其辭曰惟民之生以食爲天曰土曰穀食之本焉秩之祀典封爲社稷春秋祈禱之罔極誰謂年來爲水之侵圯毀荒穢神不來歆我侯戾止載瞻載顧矢口而言曰此先務涓吉歲事計儲度工築之登登翼以齋宮祀事孔明自今以始大書特書以侈厥美按此確係唐碑但

潼川府志

卷九 金石

七

年代及撰書人姓名俱漶滅不可辨

聖賢像碑在涪城垣羅漢寺 國朝乾隆二十三年始覆以亭碑石堅黝如鐵高七尺餘廣三尺上刻聖像及諸賢像各鐫名姓但多模糊下有宋嘉定庚辰邑尉紫巖張埴跋云是當日刻置縣庠者

斷碑絕句無撰書人姓名字類東坡末一章云西江吸盡廣長舌北水打開支道林何似曾參惟一唯等閒識破本來心尾書嘉定甲申中夏八日前半尚有不學浮鷗似剩與兒孫穩卜居十二字石存涪城垣僧寺

馬氏瘞女碑銘在涪城垣 同治中出土文漫滅不可讀 涪陰鄉敦仁里六字猶存

涪熙東嶽廟碑在心妙寺上缺兩角每行下缺兩字文已讀不成章後繫以歌曰五嶽最貴口岱宗唐世祭秩班三公祥符天子加冊封煜煜口口雄山東四方口祀誠意同譬如海水流地中千萬里遠源則通龐雲口倏臨新宮攜老挈幼來憧憧毛蕢羞藻轟鼓鐘帝之報汝亦已豐敬告里人口口口德澤濡泳天無窮後題涪熙八年辛丑十月下元日建楊師中撰本鄉進士王宸篆口男進士王煥書

潼川府志

卷九 金石

七

燕喜亭記碑在南明鎮宣和時資中趙遇撰文載古蹟馮澥留題鄧園碑在南明鎮字畫勁幹文尚全惟題跋有殘缺文云往歲與邑尉鮮于頡彥升邑人唐占孚先同遊今十年彥升孚先皆死予亦頻罹憂患髮白眼暗矣而園亦不甚葺晚春殘花有搖落悽愁之態感今懷昔情不能堪忍悲書壁投筆上馬安岳馮澥長源又云澥假守鳳翔得告歸普挈家早飯距前題六年十二月二十九後跋云古之貴書者不獨貴其書尤貴其人也故先儒口口口口所爲口壁斷碣皆傳數百載特存其人耳使口口李志輩書口與右軍

父子爭衡猶不足傳也斯言諒哉如密馮公道德文
行事業聞望自是一代偉人正所謂其人之可貴者
矣往歲假道南明留題鄧園字畫俱在園今爲王氏
所有也主人希韓欲刊諸石請題其後沂告之曰是
人也固不待書傳是書也尤不待題跋而後見言之
砥口聲牙口無以謝君請姑以貴書尤貴其人者推
本其意告世之君子云靖康二年二月十五日迪功
郎潼川口涪城縣尉趙沂謹題

宋隱士祿公夫人碑在新橋之上十三里許大路側下
半殘缺只存宋隱士祿公夫人傑七字傑字亦只存

潼川府志

卷九 金石

七

其半字大五寸許挺拔似黃山谷

高大光明四字石刻在縣西五十五里石巖字大徑五

尺許筆法端勁似顏魯公末題關中張元善書不知

何時人

巖畔有洞今已局閉相傳洞中鬼出爲
祟明巡按某公書此四字鎮之怪遂絕

潼川修城碑記在城西牛頭山畔明進士湯昶書

觀音像碑在靈峯寺一爲唐閣立本畫一爲吳道子畫

俱明萬曆辛卯年僧可辰重摹勒石

五泉寺石磴方廣三尺餘高二尺餘旁有字數行模糊

難辨惟大遼廷興丁年六字大概猶存

東嶽廟古鼎光緒乙亥督學張之洞發策試士問潼川

東嶽廟西廊一古鼎上有一蓋缺其一足鑄自何年
何人足缺於何年當時知之者蓋希矣今鼎已失更
無從攷

礮巴灘銅鐘在香積寺上流水中光緒乙未夏大旱河
流幾涸鐘現紐及頂蓋大約數圍好事者以百餘人
挽之不能動

射洪縣

晉雲南太守段宗仲德政碑碑目考宗仲有德政墓在

通泉縣碑在墓下

唐薛稷書慧普寺碑目考稷道衡之孫魏鄭公之甥也

潼川府志

卷九 金石

八

以書名天下慧普寺三字方徑三尺許筆畫雄健在

通泉慶善寺聚古堂

陳拾遺與趙彥昭郭元振題壁碑目考圖經載杜甫題

陳拾遺宅詩後

旌德碑唐東川節度使李叔明爲陳子昂立

陳子昂遺像石刻在金華山讀書臺上明謝東山跋先

生此像出沈氏家藏手卷而眉山逸人蕭旭與東臨

之者也與東能詩工書畫隨升庵入滇中戊午冬與

余相見昆明池上因出像見示且云沈家卷後有朱

文公手書感遇詩竝已效先生體詩若干首後有張

南軒跋語大意謂平生愛先生詩不意今日獲見先生神采則先生此像其來遠矣余因請與東爲臨一紙攜歸藏之篋中至是邑侯宿野張君見而悅之命工刻石金華山先生讀書臺上庶幾少慰後人景仰之意云爾

歸雲洞石刻宋嘉祐七年邑人岑象求守殯山下嘗於其中折衷毛鄭之學學者十八人日與之遊因目之歸雲遂篆而題僧延亮刻石又一石刻紹興辛未燕仲勤蔡正叔弟叔永季卿謝維國五人自靈鷲來遊邑令燕興祖於仲勤後二十二年癸巳仲夏率僚佐

潼川府志

卷九 金石

五

馮子振馮子春趙德可講河缺飛觴故事薄暮而還臥龍軒碑通志明邑人羅渙之撰隸書

鹽亭縣

唐李義甫碑碑目考在永泰縣北

大元觀題壁詩碑慶歷六年十月望日文同八分書勒

碑祠內詩曰三十窮男子其如膽氣存鴻毛在鄉里

驥足本乾坤周孔爲逢揖軻雄自吐吞平生所懷抱

應共帝王論縣志按此乃後人摹勒古色蒼然漸已

剝蝕

紹聖詩碑咸豐九年土人於玉龍鎮西寺荒塋得古碑

字勢遒勁款署紹聖元年重陽後一日提舉王聖欽題鹽亭縣主簿張浩書丹縣令蒲昌齡立石詩曰寓

目林光山邈迤轉流溪面水連漪我逢十日無黃菊閒詠鹽亭馬首詩碑存玉龍鎮書院

萬歷詩碑在龍吼觀玉皇殿貳順慶府事楚允祚書萬

歷癸巳秋七月署鹽亭縣知縣趙口立石詩云闕寂

真宜靜者居暈飛樓閣入清虛白雲深處渾無事盡

日焚香手道書又五言云靈岫跨平沙行行逕路賒

危峯敲殿閣臥柳醉煙霞斯道原無極人生況有涯

鑑湖吾欲乞夢破卽浮華

潼川府志

卷九 金石

五

中江縣

商父乙鼎光緒己丑自飛鳥舊縣土中掘得今存里人

周際康家其篆文云庚午王命寢廟辰見北田四品

十二口作册友史錫賚貝用作父乙尊彝册共三十

字按楊對山筆談篆文十二口作十二月又阮文達

公注云四品者田狩獲禽之數也易巽六四田獲

三品虞翻注謂良爲須坎爲不艮二之初離爲雉故

獲三品翟元注田獲三品下三爻也謂初異爲雞二

兌爲羊三離爲雉也是三品卽三禽此之四品義同

作册友史作册內史也書酒誥曰內史周官內史宰

王八枋之法七日凡命諸侯及孤卿大夫則策命

之錫貝所以馭其幸也爲王家作策命故曰作册友

謹書全文載古蹟

太原王達置西方閣院兼建功德碑在飛烏廢縣西閣
寺唐開成元年成都府菩提寺沙門鑒周撰鄉貢明
經何居簡書文剝蝕無多全錄於後 峯巒巉峭上
互煙霞江河滂流漾匯溟海非聖人無以標之爲嶽
瀆成天下之壯觀縣南隅三十里萬山迴抱岡岑紕
紛谿壑回互羣峯輻輳非哲人無以發沈塞張佛廟
爲山川之至勝斯處卽高士太原王公舊林泉也高
士爲錄公之祖諱節材器傑出識鑒遐曠遁迹巖□
遠依城郭常澡心奮志從容佛理思建藍宇□吟□

潼川府志

卷九 金石

三

山大厯中代宗皇帝御宇恢宏至教廣開元門慧雲
油然而興法雨霈然而降鄉見無藩籬之固羣生知
迴向之所乃有道成禪師擁錫爰來行潔圭壁□公
遂與禪師樹禪室薤榛葦掃翳蒼決泉脈纂修堂宇
未就而沒藏舟易往高軌難追山院闌今無人棖棟
毀而莫構有子曰欽日照曰華華卽錄公之皇考矣
竝景行宏敏風儀穎秀接武相誘終成巨功於是聳
橫閣矗長楹杼欒櫨於霞際瞰窗櫺於天末因高眺
遠互邱越陵邑人命之爲西方閣也肇於大厯迄於
元和巨績纔終斤斧聲畢遂開顯象教鑿石模

相雖圓金彩多闕景運難遏邁疾彌留相次殞零欵

焉大漸青山偃蹇空院寂寥華之嗣子登仕郎試鳳
翔府扶風縣尉上護軍曰達天假正氣神資直躬心
懷禮樂言成規矩元和中前縣大夫李公少平□□
之爲縣紕曹屈其佐理繇是問望轉高聲價外發惠
霑草木信及豚魚傾村舉落欽德歸仁有兄僧曰法
寶曰宏曰忠曰林爲法之舟航人之□□□皆捐寶
貨以修以營像宇未精溘先朝露錄公感先人之遺
跡悲舊院陵頽恨深弃井傷同覆簣思繼芳躅咄嗟
喑鳴因王務多暇□□□無事工以受命人目來石

潼川府志

卷九 金石

三

列八行之樹山引金繩之道分身塔湧真容化來粉
繪流霞丹彩垂翠玉毫明薜蘿之嶂青蓮秀莓苔之
壁凡□□□皆鼎新焉月到雲殿山鳴夜鐘草暗溪
寒澗深松老實山川之福地真迷塗之指歸也今住
持長老智海雲展等道氣肅物行解多聞接引□□
□祈淨業夫刻銘鐘鼎立碑宗廟皆敘微猷備宣衆
妙是以建巨勝之高標訪桑門之幽客採撫芬芳刊
於貞石辭曰□□□□峰巒聳矗巖嶂嶽峯波瀾清
濁樹之四瀆標爲五岳山川衆焉高深罔較其萬峰
積壘城郭之南煙雲羃羃□□□爰有高士肇製

禪庵剝草開徑及蘿鑿龕其二日月貞明乾坤清晏佛

廟開山樓臺聳澗欄檻交虹軒欄列雁□□□風知

身是幻其三煙收月落風靜川澄徑沒荒草山留夜燈

露滴塞殿雲蔽邱陵松門寂寞空餘舊僧其四明仁嗣

焉□□□直如圭如璋有典有則緬懷尊容重加修

飾寶網新張金繩別勒刊貞石於雲山之中庶名傳

於千萬之億其五唐開成元年歲在景辰六月廿三日

建按唐高祖父諱昶兼避丙以景字代之故唐碑中丙字多作景禮部尚書馮

縣令張著錄事王倚主簿李廷市令任士恭鎮將郎

仲倉督曹戎道場主縣錄事登仕郎鳳翔府扶風縣

潼川府志 卷九 金石

尉上護軍王達妻隴西李氏男元敏元敬女七娘新

婦曹氏瞿氏孫女十五娘十六娘孫子佐玄嫂蒲氏

姪縣倉督元皓智通元旭元曉姪女十娘五娘六娘

姪新婦黃氏辛氏姪孫子虔貞同國同問虔武外孫

趙榮房進卿進豐進貞外孫女房六娘三娘五娘趙

三娘外生子何師儉師裕外生女八娘九娘外生孫

段哲李仲溫房榮清趙季和張公儉保頭楊朝住持

僧智海姪僧雲展姪孫子僧同閤當院小師法倫大

師光照童子孝順士雄三昧唐賢者

虞書磨崖在玉江之右唐虞世南大書石壁有登金榜

上玉堂攀龍鱗附鳳翼凌九霄振六翮竭忠節贊皇

猷二十四字筆力遒勁風雨不蝕

貞元碑在飛鳥舊治西關寺中文多漫漶祇存一百八

十餘字末題貞元九年十二月譚光

放生池石刻在銅山玉江唐銅山令李義方書其裔孫

璽重刻後跋云璽十世祖唐中和初從僖宗狩蜀後

宰茲邑書放生池三大字刻於玉江之右紀年月名

氏於此歲久風雨剝蝕近又爲人剗去數字璽自金

水遷居是邦不忍先人手澤湮墜因取家藏舊墨本

重刻於石庶永其傳然年號亦自漫滅不可辨姑仍

其舊不敢妄加是亦闕疑之義也宋紹熙壬子冬十

月璽謹書

銅山縣篆書石刻字大二尺許筆力古勁旁注朝散大

夫權發遣利州路轉運判官兼提舉學事章駟書後

注慶元五年正月十八日從政郎潼川府銅山縣令

主管勸農公事王闕名建

玉江橋三大字篆書在銅山廢縣玉江石壁下有記隸

書文字古雅惜多漫漶末署款云淳熙丁酉二月望

迪功郎潼川府銅山縣尉主管學事胡鼎記

石柱題名在銅山麓宋時進士題名也明王惟賢銅陵

潼川府志 卷九 金石

重